

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



五經同卷

華積陀羅尼神咒經、師子奮迅菩薩所問經、佛說華聚陀羅尼咒經、六字咒王經、六字神咒王經



清刻龍藏佛說法變相圖

五經同卷

能十

華積陀羅尼神呪經

師子奮迅菩薩所問經

佛說華聚陀羅尼呪經

六字呪王經

六字神呪王經

華積陀羅尼神呪經

吳月支優婆塞支謙譯

如是我聞一時佛在阿耨達池龍王宮中與
大比丘五百人俱及菩薩摩訶薩具足一千
悉得一切陀羅尼餘一生在住十住地次當

作佛如王太子俱於十方皆成佛道具大莊嚴不疑如來一切功德天龍八部一時俱會爾時師子威菩薩從座而起右膝著地合掌向佛而白佛言世尊若善男子善女人於如來所而修供養功德多不佛告師子威勿作是語若善男子善女人於如來所而修供養功德甚多何以故如來無量戒定慧解脫解脫知見之所成就若善男子善女人於如來所若存若亡而修供養師子威當知是人終必於三乘中隨其因緣而得解脫復次師子威若復有人見佛世尊心生歡喜尊重讚歎以諸供養施於如來又復有人於如來滅後若見舍利心生歡喜是二功德等無有異復次師子威若在家菩薩以諸珍寶積如須彌供養聲聞及辟支佛不如出家菩薩發菩提

心以一金錢供養如來復次師子威若復有人於千萬歲親近世尊備修供養若復有人如來滅後發菩提心以一香華入僧伽藍舉足下足作如是言南無世尊以此深解殷重信心供養如來舍利寶塔不以求報不以疑惑未得解脫中間若千萬億劫不墮惡道師子威諦聽有陀羅尼名曰華積我今當說為諸天人多所饒益若善男子能於華積陀羅尼呪受持讀誦親近依行功德勝彼是人世世得一聞持不墮諸惡嶮棘道中離諸艱難常見妙寶常見諸佛諸根常具不生下賤卑隸人家常得不離菩薩弘心常得種種無量慧辯為無量十方諸佛如來之所知見乃說呪曰

怛經他 一 杜羅禰 二 杜羅禰 三 柁羅尼 四 柁

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



羅尼五 侔尼六 波羅婆負荷切 娑禰七 悉禰八

旃禰九 那侔紙十 嫗訶照荷切 麗狸逸切 魯十一

伽婆底二十 佛陀婆底三十 底麗十四 脛底柯羅十五

知脛逸切 下五 羅豎波伽知十六 知同音 杜婆十七

底七 毗捨羅佛地八 達摩婆徒九 惡又邪葛十

俾十一 葛波毗伽知十二 阿媚多葛波休多十三

參禰二十 閣波底三十 嫗哆微邪切 沙摩喜知十四

持十四 知同 蜀伽羅婆底二十 陟沙拏佛朕十五

持十四 引地邪佛地瑣訶十六

師子威當知若善男子能於此華積神呪若十七

讀若誦是人當於三月四月九月從八日至十八

十五日一心憶念如來相好夜中三誦華積十九

神呪日中亦三至月圓時當以華香燈燭於二十

形像前而修供養并誦華積陀羅尼呪其人二十一

是夜夢見如來相好具足坐蓮華座為眾說二十二

法亦得華積陀羅尼呪於現世中常得強記

智慧深信從今身乃至涅槃常一聞持一切

聞見一切經教一切學解一切技藝通達無

礙於一切三昧深得清淨解四聖諦無上法

輪說是經已師子威等天龍八部一切大眾

歡喜奉行

華積陀羅尼神呪經

師子奮迅菩薩所問經

失譯人名今附東晉錄

如是我聞一時佛在阿耨大池邊龍王宮中與大比丘僧五百人俱大菩薩衆滿足千人皆得陀羅尼住於十地應紹尊位一生當得阿耨多羅三藐三菩提於諸法界通達無礙以大莊嚴而自莊嚴於佛智德心無疑滯爾時有一菩薩名師子奮迅來在會坐即從座起整衣服偏袒右肩右膝著地合掌向佛白佛言世尊若有衆生以敬信心供養佛者得幾許福佛告師子奮迅菩薩言善男子莫作是言所以者何若供養佛論其福聚無量無邊何以故如來成就無量戒身定身慧身解脫身解脫知見身故師子奮迅若有衆生見一切智淨信心供養恭敬尊重讚歎施諸所

安衣服飲食卧具醫藥安身所須以如是等能十現在供養若復有人於佛滅後供養舍利如芥子許是二人福正等無異復次師子奮迅若有在家菩薩以如須彌山等七寶聚供養聲聞緣覺乘人復有出家修道之人因菩提心持一小錢以用布施此福勝前百分千分百千萬億分阿僧祇分不可稱計算數譬喻所不能及復次師子奮迅若有衆生百千歲中以一切樂具現在供養於佛世尊若復有一人於佛滅後若以一華供養如來若掃灑佛塔若塗治塔地燒香然燈幡蓋妓樂以供養佛作如是言南無佛陀於無量阿僧祇劫備修苦行集諸功德成等正覺利益成就無量衆生若能如是起真實心供養佛者是人於後若一劫若百劫若千萬劫不墮惡道復

次師子奮迅有陀羅尼名曰華聚我今為欲
 利益安樂饒益多衆生故憐愍世間利安天
 人故今當說之師子奮迅若有受持此華聚
 陀羅尼者是人常得宿命智通後終不墮三
 惡道中生無難處不離三寶終不生於下賤
 之家不離念佛所往受生諸根不缺生生不
 失菩提之心生得種種甚深辯才常見十方
 阿僧祇佛爾時世尊即說此陀羅尼
 多姪吽 屠邏潭 陀羅尼 牟潭 波邏
 娑散潭 悉題獸題攤 那牟支 涅呵攤
 盧伽波提 佛嚩波提嚩攤 迦邏知郁迦
 吒邏殊波竭泚 泚殊波提肥舍 邏佛提
 旦摩娑嘶呵又蛇兮 波伐泚 阿滅律多
 兮 波休多題泚殊伐提 呢嚩蛇 三摩
 頰泚 泚殊伽邏伐提提拏佛提 因提利

蛇佛提 莎訶

師子奮迅若有聞是華聚陀羅尼名以淨信
 心憶念誦持欲修行者應用二月三月八月
 行之從月八日修念佛心乃至十五日晝三
 時夜三時一心念佛以香華燈明供養三寶
 至十五日見一切佛乘蓮華座而為說法得
 陀羅尼憶念堅固意志明了從是以後乃至
 菩提一切所聞憶持不忘一切經書工巧技
 術一切三昧心得清淨除見四諦何以故此
 法無漏所攝故說是法時師子奮迅菩薩及
 諸菩薩比丘天龍夜叉乾闥婆阿修羅世人
 非人聞佛所說歡喜奉行

師子奮迅菩薩所問經

佛說華聚陀羅尼呪經

失譯人名今附東晉錄

如是我聞一時佛在阿耨達多龍王宮中與諸比丘五百人俱菩薩摩訶薩滿足一千盡是一生補處皆得陀羅尼位階十地猶如王子不久當得紹繼^{能十}王位此諸菩薩亦復如是有大功德而自莊嚴不久當得灌頂之位得成作佛此諸菩薩各從他方諸佛世界而來集會於諸佛所心無疑滯時會衆中有一菩薩名曰師子奮迅從座而起偏袒右肩右膝著地合掌向佛而白佛言世尊若有善男子善女人盡其形壽一切樂具供養如來得福多不佛告師子奮迅菩薩莫作是說心生疑惑供養如來得福甚多何以故如來有無量戒德無量禪定三昧無量智慧無量解脫無

量解脫知見并諸聲聞緣覺辟支佛及一切賢聖其福甚多不可限量爾時師子奮迅菩薩聞佛所說心生信解倍加恭敬供養尊重讚歎即以衣服房舍卧具病瘦湯藥如是種種一切樂具皆悉供養令無所乏若有善男子善女人於如來滅度之後取佛舍利如芥子許供養禮拜比前功德其福正等若復有人持以七寶如須彌山等於一劫中布施聲聞辟支佛得福多不也世尊佛言若有出家在家之人能持一錢以用布施初發菩提心人得福德比前功德百分千分百千萬分不及其一乃至算數譬喻所不能及如是如是如佛所說若復有人於如來滅度之後行於曠路見於如來塔廟若善男子善女人能以一華若一燈燭若一團泥用塗像前以用

供養若有善男子善女人持一銅錢施於佛
 像為補治故若以一掬水用灑佛塔地除去
 不淨乾華燭燼若燒香供養舉足一步詣於
 塔寺若一稱南無佛欲使此人墮三惡道百
 千萬劫終無是處佛告師子奮迅菩薩有陀
 羅尼名曰華聚多所饒益諸天世人有能受
 持讀誦通利如法修行所得福德倍過於上
 復有善男子供養聲聞緣覺辟支佛菩薩百
 千萬倍不及其一乃至算數譬喻所不能知
 是人命終終不至於八難之處卑賤之家在
 所生處六情完具自識宿命常值三寶見佛
 聞法終不忘失菩提之心能得甚深無量辯
 才乘六神通遊至十方諸佛世界諮受妙法
 教化衆生爾時世尊即說呪曰
 多狄他 度羅尼 陀羅尼 陀羅尼 磨

彌波 步婆散尼 悉題 旃題 涅目脂
 涅呵梨 慮伽蓋帝 佛陀蓋帝 帝梨
 烏迦羅知 佉伽羅知 羅殊波伽帝 帝
 闍和帝 毗舍羅佛題 曇摩波嘶 阿叉
 夜羯卑羯波和帝 阿彌多羯卑 休多舍
 尼 帝闍和帝 泥勺婆摩一啼啼 帝闍
 伽呵和帝 因題夜佛題 唵拏佛提莎訶
 佛言有善男子善女人欲行此陀羅尼者若
 二月三月若八月中從白月八日至十五日
 淨目澡浴著新淨衣當於靜處坐佛形像懸
 繒幡蓋華香供養禮拜懺悔晝夜六時誦此
 陀羅尼若坐若行莫令心亂滿七日已當得
 見佛若不見者復更二七三七日專心誦此
 陀羅尼必得見佛坐蓮華上而為說法是時
 即得自識宿命念力堅固得陀羅尼無礙辯

才若求多聞若求禪定若求智慧若求辯才
若求醫方若求呪術若求工巧若求文藝如
是種種隨心所願悉皆得之乃至成佛終不
忘失除其四諦爾時師子奮迅菩薩諸天人
民及阿修羅諸比丘衆聞佛所說歡喜奉行

佛說華聚陀羅尼呪經

六字呪王經

失譯人名今附東晉錄

如是我聞一時佛在舍衛國祇陀林中爾時有一外道旃陀羅女厭惑尊者阿難即時如來見阿難恍惚為說六字呪王經先佛所說

我今亦說即說呪曰

九

安陀隸 般陀隸 迦羅知 翅由隸 帝

闍婆帝 頻頭婆帝 陀頭隸 陀帝隸

陀究摩帝 脩摩帝 安陀邏 般陀邏

般陀邏 檀陀羅 提堯羅 阿那延陀

慢陀婆帝 阿那阿那夜 摩頭摩婆帝

迦羅吒 翅由羅 浮登伽彌 帝闍婆帝

頻頭摩帝 阿羅婆伽婆帝 毗吒提膩至

吒毗提膩悉波呵

若有為某甲作惡呪詛若作已若當作若天

若龍若夜叉若羅刹若餓鬼若鳩槃荼若富單那若毗舍闍若阿婆摩羅若吉遮若佉歐若毗陀羅若半毗陀羅若半毗陀羅女若沙門若婆羅門若刹利若毗舍若首陀若摩登伽女若旃陀羅若旃陀羅女若奴若婢若男若女若外道出家男女如是等種種悉能呪詛厭蠱我今以此六字呪王經若上向作上向滅之若下向作下向滅之若地上作地上滅之若壁著作壁著滅之若柱邊作柱邊滅之若城內作城內滅之若城門中作城門中滅之若宮內作宮內中滅之若宮門中作宮門中滅之若道中作道中滅之若四徼道中作四徼道中滅之若婆羅門作悉皆滅之若水中作水中滅之若水邊作水邊滅之若河邊作河邊滅之若家中作家中滅之若樹邊

作樹邊滅之若樹根下作樹根下滅之若火
中作火中滅之若火爐中作火爐中滅之若
井竈邊作井竈邊滅之若碓磨邊作碓磨邊
滅之若塚邊作塚邊滅之若牀敷間作牀敷
間滅之若衣被服飾中作悉皆滅之若夜作
夜滅之若晝作晝滅之若晝夜常作悉皆滅
之此咒能斷絕帝釋咒道能斷絕梵天咒道
能斷絕四天王咒道及與一切所有邪鬼咒
道方術悉皆能斷若有為某甲作厭蠱咒詛
及與毒藥悉皆滅之若佉歐陀若毗陀羅若
吉遮若富多那所為悉皆滅之眾惡都盡眾
善補處願此咒常吉以此真實章句使其甲
晝安夜安晝夜常安得壽百歲得見百秋何
以故世間最上無過於佛人天所敬眾鬼敬
奉若有行惡咒道若作已若當作若中間作

若成就若未成就悉皆滅之及一切眾毒能
害人者此六字咒王經皆消滅之即說咒曰
佉智 佉注 佉毗智 緘壽 緘壽 多
智 婆智

若某甲作惡咒詛若作已若當作若天若龍
若夜又若羅刹及與一切能作惡咒詛悉皆
滅之若佉歐陀羅若富多那所為悉皆滅之
眾惡都盡眾善補處願此咒常吉以此真實
章句使其甲晝安夜安晝夜常安得壽百歲
得見百秋何以故世間上法無過佛法人天
恭敬眾鬼奉受離欲無著即說咒曰^{能十}
佉智 佉注 佉毗智 緘壽 緘壽 多
智 婆智
何以故僧是世間最上福田人天所敬眾鬼
守護即說咒曰

佉智 佉注 佉毗智 絨壽 絨壽 多
智 婆智 興帝 阿彌帝 阿周帝
若有為某甲作惡呪詛若和合毒藥皆悉滅
之即說呪曰

摩休婆 烏摩帝 烏摩陀 菴陀彌 佉
歐陀 婆提菴陀彌 頻頭摩提 至帝至
多 婆提菴陀彌 阿溥梅陀卑 呵呵遮
利 呵呵那彌 呵呵浮摩提 呵呵浮陀
尼劬沙 呵呵尼呵陀佉歐 陀尼毗沙
佉歐陀 伊彌彌彌 陀陀弊

若有人讀持此六字大呪王經假使呪枯樹
可得還生枝葉何況人身使某甲得壽百歲
得見百秋諸佛所說阿難所傳若人讀誦通
利悉皆自護眾惡不著身若呪他者能除彼
患誦者斷五辛至心鮮潔然後乃能行之

南無觀世音菩薩摩訶薩禮彼大士然後說
此神呪願此呪常吉觀世音觀照我身觀照
我身憐愍我故即說呪曰

烏呵尼 須呵尼 阿陀尼呵陀 毗尼
耽毗尼 安陀隸 般陀隸 斯卑提 般
陀羅 婆斯尼 薩陸豆率 吒波羅豆率
吒質耽 闍婆夜 耽呵夜 須呵夜 尼
婆羅夜 耶婆某羅提 那某遮提 盧婁
至吒般 陀死盧婁盧 漏至吒般陀死
悉波呵 知醯利知利 牧利 摩登者

能十
旃陀利羅又 羅又羅耶 悉波呵
十二

此呪護一切厄鮮淨無垢解脫光明觀照縛
一切賊迷荒一切惡護身縛賊虎狼師子狂
象及豺悉皆被縛我某甲及共行同伴一切
呪力所向之處願當平吉南無觀世音菩薩

願此呪大吉用此呪法當用之日不食五辛
淨洗浴不得行婬不得飲酒噉肉以白氎縋
手捉誦呪七遍一遍一結若有官事被言若
鬪諍若呪詛及一切惡悉皆能滅之呪訖此
縋繫著其人衣帶事過主自解之

南無過去未來現在三世諸佛南無文殊師
利普賢彌勒一切諸菩薩歸依如是等菩薩
摩訶薩衆然後說此大神陀羅尼即說呪曰
鹽豆摩帝 耶舍婆帝 婆羅沙天婆帝
烏受婆帝 鬱多羅尼 阿又夜婆帝 阿

菟羶帝目闍婆羅婆目帝波羅婆只豆 悉
波帝 迦羅尼 伽帝波毗耶舍首羅婆隸
陀提菟提 散陀波提 鬱多羅尼舍陀目
佉舍陀波 羅毗舍 羶陀迦梨舍婆薩那
婆伽帝 究舍羅婆娑阿菟散帝 毗散帝

知帝阿知帝 第十 湯阿帝 阿湯那伽帝阿婆
婆帝呵舍波羅禰 婆羅禰目隸牟羅牟羅
婆陀禰 舍尼波羅陸 須利婆帝殊帝波
羅陸 須毗摩隸 菴摩隸

此呪除一切闇冥如來所持諸天敬愛衆神
擁護梵天所解帝釋敬事護世守護決了衆
聖諸仙受持和合衆性解脫諸縛一切諸天
及人斷諸煩惱降諸魔怨伏諸外道摧伏衆
論及諸憍慢過諸法師不捨大衆悅諸學法
守護法藏利益三寶慈哀一切衆生之類莊
嚴衆義有如是利是名無盡藏陀羅尼非護
能護若有讀誦者得三十二無疑畏難用此
呪法晨起澡手漱口燒香禮拜三遍讀所行
之處言語談說一切向處未常不勝衆人貴
敬見者歡喜怨家降伏有如是利益一心受

持

六字咒王經

六字神呪王經

開元拾遺失譯人名附梁錄

如是我聞一時佛在舍衛國祇陀林中爾時有一外道旃陀羅女專行眾惡符書厭禱或事山神樹神樹下鬼神日月五星南斗北辰一切魍魎雜魔邪魅厭惑尊者阿難陀及諸善人如是等恒河沙數即時如來因見阿難陀恍惚及憐愍一切三世有情故為說此六字神呪王經先佛所說我今亦說即說呪曰安陀隸 鉢陀隸 迦羅胝翅由隸 帝闍婆帝 頻頭婆帝 陀頭隸 陀究帝隸 陀究摩帝 脩摩帝 安陀羅槃陀羅 檀陀羅提堯羅 陀那延陀 曼陀婆帝 阿那阿那夜 摩豆摩婆帝 迦羅吒翅由羅浮澄伽彌 帝闍婆帝 頻頭摩帝 阿羅

婆伽帝 毗咤毗提膩 質吒毗提膩 質

吒毗提膩 莎婆呵

若有為某甲作惡呪詛若作已若當作若天若魔若龍若藥叉若羅刹若餓鬼若鳩槃荼若富單那若毗舍闍若阿波摩羅若優波摩羅若吉遮若佉偃陀若毗陀羅若半毗陀羅若沙門若婆羅門若刹利若毗舍若首陀若摩澄伽若摩澄伽女若旃陀羅若旃陀羅女若奴若婢若男若女若外道尼乾陀若外道出家男女如是等種種若能呪詛厭蠱我今以此六字神呪王經若天上作天上滅之若天下作天下滅之若上向作上向滅之若下向作下向滅之若壁上作壁上滅之若著壁作著壁滅之若雲漢中作雲漢中滅之若虛空中作虛空中滅之若地上作地上滅之若

地下作地下滅之若八表外作八表外滅之^{能十}
若六合內作六合內滅之若隨風飄中作隨
風飄中滅之若四海大水中邊作四海大水
中邊滅之若江河淮濟中邊作江河淮濟中
邊滅之若陂塘中邊作陂塘中邊滅之若雜
水中邊作雜水中邊滅之若山川溪谷堆阜
坑中邊作山川溪谷堆阜坑中邊滅之若五
嶽中邊作五嶽中邊滅之若大澤林藪中邊
作大澤林藪中邊滅之若大樹小草中邊作
大樹小草中邊滅之若草木根莖中邊作草
木根莖中邊滅之若大小道徑中邊作大小
道徑中邊滅之若大小交道中邊作大小
四交道中邊滅之若城堡坊村外門中邊作
城堡坊村外門中邊滅之若城堡坊村內作
城堡坊村內滅之若官外內門邊作官外內

門邊滅之若宮門中作宮門中滅之若於塚
墓中邊作塚墓中邊滅之若家舍宅垣牆中
邊作悉皆滅之若屋宕作屋宕滅之若柱邊
作柱邊滅之若柱礎邊下作柱礎邊下滅之
若糞土中邊作糞土中邊滅之若井竈碓磨
中邊作井竈碓磨中邊滅之若火爐中邊作
火爐中邊滅之若廁溷中邊作廁溷中邊滅
之若車乘具中邊作車乘具中邊滅之若鞍
馬服飾中邊作鞍馬服飾中邊滅之若牀鋪
衣被氈褥靴帽雜器中邊作牀鋪衣被氈褥
靴帽雜器中邊滅之若於一切飲食中邊作
一切飲食中邊滅之若側近人作者及於一
切處行住坐卧如是皆悉滅之若晝作晝滅
之若夜作夜滅之若晝夜常作晝夜滅之此
咒能斷絕帝釋咒道能斷絕梵天咒道能斷

第十

十六

絕四天王呪道及與一切所有邪鬼呪道方術悉皆能斷若有為某甲作惡厭盡呪詛及與毒藥悉皆滅之若佉偈陀若毗陀羅若吉遮若富單那所為悉皆滅之眾惡都盡眾善補處願此呪常吉以此真實章句使其某甲晝安夜安晝夜常安得壽百歲得見百秋何以故世間最上無過於佛天尊所尚眾神奉仰若有行惡呪道若作已若當作若中間作若成就若未成就悉皆滅之及與一切眾毒能害人者此六字神呪王經所在之處若讀若誦受持憶念者所有惡業重障皆消滅之即說呪曰

佉 毗 佉 住 佉 毗 毗 緘 壽 緘 壽 多 毗 婆 毗 莎 婆 訶

若有為某甲作惡呪詛若作已若當作若天

若龍若藥又若羅刹及與一切能作惡呪詛

者悉皆滅之若佉偈陀若毗陀羅若富單那

所為悉皆滅之眾惡都盡眾善補處願此呪

常吉以此真實章句使其某甲晝安夜安晝夜

常安得壽百歲得見百秋何以故世間最上

無過於法天人所敬眾魔奉受離欲無著即

說呪曰

佉 毗 佉 住 佉 毗 毗 緘 壽 緘 壽 多 毗 婆 毗 莎 婆 訶

何以故世間最上無過於僧良善福田賢聖

所敬眾善擁護即說呪曰

佉 毗 佉 住 佉 毗 毗 緘 壽 緘 壽 多 毗 婆 毗 兜 帝 阿 彌 帝 阿 周 帝 莎 婆 訶

若有為某甲作惡呪詛若和合毒藥若真若

偽所作非法若前身若今身行業眾惡一切

若龍若藥又若羅刹及與一切能作惡呪詛者悉皆滅之若佉偈陀若毗陀羅若富單那所為悉皆滅之眾惡都盡眾善補處願此呪常吉以此真實章句使其某甲晝安夜安晝夜常安得壽百歲得見百秋何以故世間最上無過於法天人所敬眾魔奉受離欲無著即說呪曰

重罪悉皆滅之即說呪曰

摩休婆烏摩帝 烏摩陀徒陀禰 佉偃陀

婆提徒陀禰 頻頭摩提 質帝質多提婆

徒陀禰 阿鞞 旃阿鞞 莎婆訶

若有人能誦持是六字神呪王經假令呪枯

樹可得還生枝葉何況人身使某甲得壽百

歲得見百秋諸佛所說阿難所傳若人讀誦

通利悉皆自護衆惡遠身恒與善俱若呪他

者能除彼人衆苦惡患讀者斷五辛至心鮮

潔然後乃得行之諸難凶禍無有遺餘無不

吉利即說呪曰

呵呵遮唎 呵呵那彌 呵呵浮陀摩提

呵呵尼呵陀 尼劬沙 呵呵尼呵陀 佉

偃陀 尼毗沙 佉偃陀 伊禰彌禰 陀

弊 陀陀弊 莎婆訶

敬禮三寶敬禮聖智海遍照莊嚴王如來敬

禮一切如來應正等覺敬禮聖阿縛盧枳低

濕伐羅摩訶薩埵如是歸命已然後說是神

呪願此呪常吉敬禮聖阿縛盧枳低濕伐羅

觀照我身此一句如憐愍我故即說呪曰

烏呵尼暮阿尼阿陀尼阿陀毗阿陀闍毗尼

耽毗尼安陀隸 鉢陀隸 死卑提 安陀

羅婆死尼 薩陸豆率吒 婆羅豆率吒

質擔闍婆夜 耽婆夜摩訶夜耶婆賀羅

提那賀遮提 盧樓質吒那陀死 盧樓盧

漏質吒鉢陀死 莎婆訶

此呪能護一切厄難鮮淨無垢解脫光明觀

照縛一切賊行惡者無復迷荒念善者濟度

衆難一切惡魔現世護我身師子狂象虎狼

豺犬猿猴及諸惡獸欲害人者悉令被縛我

今為某甲及共行同伴一切呪力所向之處
行住坐卧願悉平吉即說呪曰

知醯唎 知唎 牧唎 摩蹬耆 旃陀唎

又羅叉羅羅耶 莎婆訶

敬禮三寶必願此呪令大吉善用此呪法當

用之日洗浴鮮潔淨除垢穢身心恬怕不得

行婬不食五辛飲酒噉肉舌不惡語當以白

縷手捉其縋誦呪七遍一遍一結作索成已

若有官事被言或逢鬪諍更相呪詛讒謗謀

枉及一切眾惡以此呪結著其人衣帶中如

上諸難悉皆滅之事過之後請佛法僧燒眾

名香設齋請福深修悲敬報佛慈恩主自解

結發大願云我與一切四生永絕八難所願

從心即說呪曰

醯豆摩帝耶舍婆帝 婆羅沙天婆帝 烏

受婆帝 鬱多羅尼 阿叉夜婆帝 阿菟

羶帝目企婆羅婆目帝 婆羅婆枳豆莎訶

敬禮過去未來現在一切常住三寶敬禮聖

智海遍照莊嚴王如來敬禮一切如來應正

等覺敬禮聖阿縛盧枳低濕伐羅消伏毒害

救苦大悲者敬禮曼殊室利菩薩三曼多跋

達羅菩薩慈氏菩薩棄陰蓋菩薩寂根菩薩

慧尚菩薩常不離世菩薩首楞嚴三昧虛空

藏寶幢孔雀王陀羅尼六字章句藥王藥上

堅意不汙行等菩薩摩訶薩各稱其號歸依

如是一切得道聖眾然後說此大陀羅尼神

呪即說呪曰

迦羅尼摩帝 毗輸多尼 伽帝婆羅毗

耶舍首羅婆隸 陀提菟提散陀婆提 舍

陀目佉 鬱多羅尼 舍陀婆羅毗舍毗羶

陀 迦唎奢 婆薩那 婆伽帝 鳩舍羅
 婆娑尼 阿菟珊帝毗珊帝 知帝 阿知
 帝 湯那伽帝 阿湯那伽帝 阿婆娑唎
 阿舍婆羅禰 婆羅禰目隸 牟羅牟羅
 婆陀隸 舍尼婆羅陸 須黎婆帝殊帝婆
 羅陸 須毗摩隸菴摩隸 莎訶
 此咒能除一切闇冥如來所持諸天敬受善
 神護念梵天所解帝釋敬事護世所護決了
 衆聖諸仙受持和合衆姓解脫繫縛一切諸
 天及人斷諸煩惱降伏魔怨制諸外道摧諸
 僞慢過諸法師談論諍訟無不獲勝善根增
 長身心清淨不捨大衆悅諸學法守護經典
 甚深法藏利益三寶愍念一切衆生之類莊
 嚴衆義有如是等大利益事名無盡藏陀羅
 尼章句非護能護若復有人能讀誦書持若

使人書乃至以香華供養經卷者得三十二
 無疑畏難用此咒法者晨朝澡身漱口燒香
 深心頂禮讀誦三遍如是作訖所行之處言
 語談說四衆瞻仰所向至方未常不吉衆人
 貴敬見者歡喜怨家降諾阿難陀汝等應當
 一心奉持此陀羅尼章句說是法時一切天
 龍八部鬼神聞佛所說皆大歡喜作禮而去
 六字神呪王經

音釋

禡 敕牙切 嫗 女力切 嫗 於武切 淳 乃頂切 擗 呂支切 恍 呼廣切 惚 不切 惚 呼骨切 宥 徒浪切 礎 創舉切 溷 胡閏切 倭 丘伽切 倭 丘伽切

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>

